



«Буржнэй», 4.05.06 **АНХАРАГТЫ!**

## **АЛТАРГАНЫН ХЭМЖЭЭНДЭ - МҮРЫСӨӨНҮҮД**

Мүнөө үеын эхэнэрнүүд үбгэ эсэгэнэрэй ёһо заншалнуудыг мэдэхэ, гулам таяа наринаар сахихаһаа гадна, түрүү хараа бодолтой байха жэшээтэй. Алтаргана хайндэрэй хэмжээн соо Бурядай драмтеатрай тайзан дээрэ дангинанарай мүрысөөн майн 6-да эмхидхэгдэхэнь.

Танилсалгын шата, буряад арадай ёһо заншал, байра байдал тухай мэдэсэ шалгалгын шата, ёохор гүйсэдхэлгын, ямар нэгэн тусхай темээр буряад хэлэн дээрэ харилсаха спарринг, мүн дефиле гэгшэдхээ мүрысөөнэй программа бүридэнэ. Домогуудай ёһоор гү, али бодото үйлэ хэрэг дээрэ үндэһэлэн, эхэнэрнүүдэй түүхэтэ дүрэ байгуулха даабари гэртээ бэлдээд ерэхэ хэрэгтэй. Хабаадаха хүсэлтэйшүүл майн 1 болотор мэдүүлгээ дуулгажа болоно.

Мүрысөөндэ шалгарагшадта «Алтаргана» фестивальда хабаадаха арга үгтэхэ.

Гэхэтэй хамта Алтарганын хэмжээндэ уласхоорондын поэтичeskэ мүрысөөн соносхогдонхой. Хабаадагша бүхэн тусхай анкетэ дээрэ нэрэ, обог болон паспортын баримтануудыг бэшээд, 5 шүлэг эмхидхэлгын хороон руу гү, али [altargana.narod.ru](http://altargana.narod.ru) гэхэн хаягаар эльгээжэ болоно. Ехэ хэмжээнэй зохёолнууд хабаадалгада орохогүй гээд тэмдэглэе. Эгээл эрхим найруулганууд хайндэрэй урдахана хэблэгдэхэ шүлэгүүдэй суглуулбари соо оруулагдаха юм. Финалда гарагшад Намжил Нимбуевай гэр бүлын шанда хүртэхын түлөө тэмсэхэ. Турнирай ёһоор, Зүүн зүгэй заншал баримталан, үгтэһэн темээр шууд шүлэг зохёохо болоно. Илагшада нефридээр хэгдэһэн алим барюулагдаха. Эмхидхэлгын хороон руу 21-49-23, 21-64-40, 23-53-60 гэхэн телефонуудаар хандахада болоно.